

"**Bendishoná** ta esnan, kende nan **transgreshonnan** a wòrdu **Pordoná**, i kende nan **pikánan** a wòrdu tapá. **Bendishoná** ta e hende, kende su **piká SEÑOR** no ta tuma na kuenta" (**Romanonan 4:7-8**).

Pa **Pordoná** ta un **eskoho**, un **desishon**, pero pa **Pordoná** ta tambe un **mandamentu** di **Dios Tata** (**Mateo 6:14-15**).

E eskoho i desishon pa Pordoná.

Dios Tata a **skohe** i tuma e **desishon**, dor di **Su Fieldat** i **Su Hustisia** (**1 Juan 1:9**), pa **Pordoná**. **Pordon** no ta nifiká **Pordoná** i **Lubidá**, pero e **eskoho** i **desishon** pa no **Lubidá** di **Pordoná** ora nos **mente** rekordá nos di e **ofensa** kometí kontra nos. Pa **ignorá**, **nenga** òf **desmentí** ku un **ofensa** no a pasa no ta nifiká ku nos a **Pordoná**, pasobra si nos no atendé ku e **ofensa**, e **ofensa** ta keda eksistí i duna nos **Problema**. Nos **Dios Tata** ta **Pordoná** abo tur bo **pikánan**, pero **E** no a **Lubidá**. **Dios Tata** no a **Lubidá**, pasobra **E** ta **Todopoderoso** i **Omnipotente**. Si **Dios Tata** a **Lubidá**, ta kon **E** por a duna Moisés e **Torah**? E **Torah**, ku ta inkluí tur e **fayonan** i **pikánan** di e hòmbènan grandi di **Dios Tata**. **Dios Tata** no a **Lubidá**, asina **E** por a duna Moisés henter e historia di su antepasadonan, loke Moisés a skirbi den e bukinan di **Lei**; **Génesis**, **Éksodo**, **Levítiko**, **Numbernan**, **Deuteronomio**. **Dios Tata** a **skohe** i tuma e **desishon**, dor di **Su Fieldat** i **Su Hustisia**, pa **Pordoná** i a tuma e **desishon** pa no **ignorá**, **nenga** òf **desmentí** ku un **ofensa** no a pasa. **Dios Tata** a hasi e **eskoho** i tuma e **desishon**, pa duna **Amor** i **Konfrontá** e **ofensa** i asina trese **arepentimentu**, **restourashon** i **rekonsiliashon** pa asina aki e **Relashon** por wòrdu **Reabilitá** i **Edifiká**.

E mandamentu pa Pordoná.

E **mandamentu** pa **Pordoná** ta enserá ku abo ta **Kere** i **Konfia Dios Tata**. Dor ku abo ta **Stima Señor** abo kièr **Kumpli** ku e **mandamentu** aki. Ora abo disidí ku abo no kièr **Kumpli** ku e **mandamentu** aki, esaki ta **desobediensia** na **Dios Tata**. No ta tur **ofensa** ta un **pika**, e porta un **fayo** tambe, pero sea un **pika** òf **fayo**, nos mester **Pordoná** asina nos por **Kambia** pa bira mas i mas manera **Kristu Hesus**, nos **Salbador** i **Redentor**. E úniko manera ku un **ofensa** ta pasa bai pa olvido ta ora nos disidí pa kada bes di **Nobo** ku nos **mente** rekordá nos riba e **ofensa** pa tuma e **desishon** di **Pordoná**. Despues di un tempu abo lo no por rekordá mas e **ofensa** aki, e ora ey abo, dor di **Obediensia**, a yega kaminda **Dios Tata** kièr pa abo ta, dor di a **Kumpli** ku **Su Boluntat**. Ta pa esaki tin skirbi: "**Ami**, sí, **Ami**, ta **Esun** ku ta kita bo **transgreshonnan** pa **Mi** mes kousa; i lo **Mi** no kòrda bo **pikánan**" (**Isaías 43:25**). E úniko manera pa realisá esaki ta dor di pone **Kristu Hesus** na e sentro di tur kos. Si nos konfesá nos **pikánan**, **Dios Tata** dor di **Su Fieldat** i **Su Hustisia** ta **Pordoná** nos nos **pikánan** i limpia nos di tur **inhustisia** (**1 Juan 1:9**). Ora ku abo hasi e **eskoho** i tuma e **desishon** pa **Stima** i **Konfrontá** e **ofensa**, abo lo por trese **arepentimentu**, **restourashon** i **rekonsiliashon** pa asina aki e **Relashon** por wòrdu **Reabilitá** i **Edifiká**.

E **eskoho** i **desishon** pa **Pordoná** òf e **Obediensia** na e **mandamentu** pa **Pordoná** ta **Dios Tata Su Boluntat** pa abo. Awor **Dios Tata** a hasi **Su** parti kaba, meskos ku **Kristu Hesus** tambe a hasi **Su** parti. E **eskoho** i **desishon** pa **Pordoná** ta keda na abo.

6 òktober 2017

Sea Bendishoná den e Amor di Yeshua Mesias

Rev. Remsly L Riley